



Broj: UPI-04-12-5-2/21
Sarajevo, 2.7.2021.

Na osnovu člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“, br. 21/03 i 43/09), člana 14. stav (1) i (2) Zakona o slobodi pristupa informacijama u Bosni i Hercegovini („Službeni glasnik BiH“ broj 28/00,45/06, 102/09, 62/11 i 100/13), postupajući po Zahtjevu gospodina ~~Amara Kusturica~~, ul. ~~Marka Marulića~~ br. 2, Sarajevo, direktor Agencije za rad i zapošljavanje Bosne i Hercegovine donosi

RJEŠENJE

o odobravanju pristupa informacijama

1. Odobrava se Zahtjev gospodina ~~Amara Kusturica~~, ul. ~~Marka Marulića~~ br. 2, Sarajevo, broj UPI-04-12-5/21 od 28.6.2021. godine, dostavljen putem Generalnog sekretarijata Vijeća ministara Bosne i Hercegovine broj UPI07-29-2-38-3/21 od 17.6.2021. godine, za cjelovit pristup informacijama koje se odnose na informacije o službenim putovanjima direktora, zamjenika direktora, pomoćnika direktora Agencije za rad i zapošljavanje BiH, te drugih zaposlenih u države navedene u zahtjevu tražioca informacije u periodu od osnivanja institucije do 2020. godine.
2. Informacije iz tačke 1. ovog rješenja dostavljaju se podnosiocu zahtjeva uz ovo rješenje.

O b r a z l o ž e n j e

3. Agencija za rad i zapošljavanje Bosne i Hercegovine zaprimila je zahtjev za pristup informacijama podnosioca gospodina ~~Amara Kusturica~~, ul. ~~Marka Marulića~~ br. 2, Sarajevo, broj UPI-04-12-5/21 od 28.6.2021. godine, dostavljen putem Generalnog sekretarijata Vijeća ministara Bosne i Hercegovine broj UPI07-29-2-38-3/21 od 17.6.2021. godine, za cjelovit pristup informacijama koje se odnose na informacije o službenim putovanjima direktora, zamjenika direktora, pomoćnika direktora Agencije za rad i zapošljavanje BiH, te drugih zaposlenih u države navedene u zahtjevu tražioca informacije u periodu od osnivanja institucije do 2020. godine.

Postupajući po zahtjevu podnosioca Zahtjeva, Agencija za rad i zapošljavanje Bosne i Hercegovine je u skladu sa članom 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“ broj 28/00,45/06, 102/09, 62/11 i 100/13), odlučila kao u dispozitivu rješenja.

POUKA O PRAVNOM LIJEKU: Protiv ovog rješenja može se izaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema.

Dostavljeno:

- Imenovanom,
- Službenik za informisanje
- a/a

DIREKTOR
Mr. Muamer Bandić
Mr. Muamer Bandić

Sarajevo, 2.7.2021. godine

[REDACTED]

Marko Marušica do br. 2

71000 Sarajevo

387603218977

mer.kurtovic@stu.ibu.edu.ba kurtovicamer96@gmail.com

Poštovani gospodine Kurtović,

vezano za Vaš zahtjev za pristup informacijama dostavljam Vam tražene informacije. ispred Agencije za rad i zapošljavanje BiH.

U periodu od nastanka institucije pa do 31.12.2020. godine Agencija za rad i zapošljavanje, odnosno njeni direktor, zamjenik direktora, pomoćnici direktora ili drugi službenici boravili su u slijedećim službenim posjetama sa liste država koju ste naveli:

Država Katar

1. 6.4.2021. godine ministar vanjskih poslova Bosne i Hercegovine prof. dr. Zlatko Lagumdžija je potpisao Sporazum između Vijeća ministara Bosne i Hercegovine i Vlade Države Katar o reguliranju zapošljavanja državljana Bosne i Hercegovine u Državi Katar. Pored ministra vanjskih poslova Bosne i Hercegovine član visoke delegacije Bosne i Hercegovine bio je i direktor Agencije za rad i zapošljavanje Bosne i Hercegovine Adnan Delić.

Saopštenje na web stranici:

<http://www.arz.gov.ba/Aktuelnosti/default.aspx?id=1465&langTag=bs-BA>

2. 4. i 5.3.2018. godine u Državi Katar je održan drugi sastanak Zajedničkog komiteta između Države Katar i predstavnika Agencije za rad i zapošljavanje Bosne i Hercegovine za praćenje provedbe Sporazuma o reguliranju zapošljavanja radnika iz Bosne i Hercegovine u Državi Katar. Tokom sastanka dvije strane su razmijenile svoje stavove o načinu unapređenja bilateralnih odnosa između dvije države i mehanizmima zapošljavanja kvalificirane radne snage u Državi Katar. Na sastanku je usaglašavan tekst Operativne procedure o sprovođenju Sporazuma između dvije strane i dogovaranano njegovo potpisivanje. Ispred Agencije za rad i zapošljavanje BiH na sastanku su učestvovali Samir Zuko, stručni savjetnik za domaće tržište rada i Zvezdana Jelić, viši stručni saradnik za prikupljanje i obradu podataka.

Kraljevina Maroko (niti jedna posjeta nije bila direktno vezana za Maroko već su međunarodne institucijama odabrale ovu državu za mjesto održavanja svojih sastanaka)

1. U Ouarzazate-u od 16-20. maja 2007. godine, a na poziv Sekretarijata Svjetske asocijacije javnih službi zapošljavanja (WAPES) za regiju Srednjeg istoka i arapskih zemalja, održao se sastanak direktora zavoda za zapošljavanje jugoistočne Evrope i radionica na temu "Pristupi i uspješni programi uključivanja mladih u profesionalni život". Delegacija Agencije za rad i zapošljavanje Bosne i Hercegovine na ovom događaju činili su direktor Huso Sarić i Samir Zuko, stručni savjetnik za domaće tržište rada.
2. U Kazablanci je 20.-23.6.2011. godine održana Regionalnoj radionici za područje Afrike, arapskih zemalja, Azije i Istočne Evrope. Radionica je organizovana od strane Sekretarijata MDG Achievement Fund-a (MDG-F).
Glavni cilj radionice je bio da se kreiraju smjernice, prikažu najbolje prakse i poboljša kvalitet implementacije zajedničkih programa koje finansira MDG-F. Radionica je zamišljena kao platforma za timove koji rade na zajedničkim programima, predstavnike UN sistema i državnih vlada sa ciljem razmjenjivanja vrijednih iskustava u implementaciji zajedničkih programa i postizanja rezultata koji su ishod pravih aktivnosti koje uključuju razmjenu znanja i inovativnih metoda. Radionica je identifikovala uspješne pristupe, znanja i dobre prakse kao i inovativnu primjenu M&E i C&A što će pospiješiti postizanje zadatih programskih ciljeva. Ova radionica je okupila preko 200 učesnika iz Afrike, arapskih država, Azije i Evrope što je omogućilo razmjenu mišljenja i iskustava i učešće u razgovorima i diskusijama.
Na radionici je ispred Agencije za rad i zapošljavanje BiH sudjelovao Samir Zuko, stručni savjetnik za praćenje stanja na domaćem tržištu rada.
3. U Marakešu je 17. i 18.4.2018. godine održan sastanak Upravnog odbora i sjednica Generalne skupštine Svjetska asocijacija javnih službi zapošljavanja (WAPES) na kojima je Agencija za rad i zapošljavanje BiH prezentirala Izvještaj o reviziji u dijelu strateško upravljanje. Na sastanku Upravnog odbora i Generalnoj skupštini prisutni su bili direktor Agencije mr. Muamer Bandić i pomoćnik direktora dr. Asim Ibrahimagić.
Saopštenje na web stranici:
<http://www.arz.gov.ba/Aktuelnosti/default.aspx?id=3323&langTag=bs-BA>

S poštovanjem,

Boris Pupić, stručni saradnik za informisanje Agencije za rad i zapošljavanje BiH